

Z widom na serbsku wustawu

Bórkowy (SN/at). Serbski sejm prócuje so wo wustawu serbskeho ludu kaž tež wo statne zřěčenje nastupajo wujasnjo-
wanje prawow a winowatosćow nutř-
kowneho samopostajowanja a nastupajo
wobšěrne sobupostajowanje we woblu-
ku skutkowneje kubłanskeje a kulturneje
awtonomije. Na sobotnym posedženju
w Bórkowach je sejmowy wuběrk za wu-
stawu a prawo koncept předstajił, zo by-
chu tónle zaměr docpěli.

W přenjeji kročeli chcedza so hač
do nalěca na serbske institucije wobro-
čić. Z nimi zhromadnje je wotpohlada-
ne, na zakładze swójskich a přidžělaných
tezew naćiskaj statneho zřěčenja a wu-
stawy zdžělać. Z workshopa z politikarje-
mi a fachowcami za statne prawo w juni-
ju 2020 docpěte pokiwy přijmu potom
do naćiskow. Na to je přez lěćo wobšěrna
diskusija předwidžana, kaž w nowinskej
zdžělenke Serbskeho sejma rěka. „Při
zdžělanju wustawy wuchadźamy z dlě-
šeho trěbneho procesa, docpěć nutřko-
serbski konsens, doniž njemóžemy na-
ćisk za finalne ludowe wothłosowanje
předpołożyć“, sejmarjo pisaja. Woni su
koncept schwalili. Proces nětko zahaja.